

ՀԱՅՏԱՐԱՐՈՒԹՅՈՒՆ
հրավերի պարզաբանման մասին

Հայտարարության սույն տեքստը հաստատված է գնահատող հանձնաժողովի
2018 թվականի դեկտեմբերի 4-ի թիվ 3 որոշմամբ և հրապարակվում է
“Գնումների մասին” ՀՀ օրենքի 40-րդ հոդվածի համաձայն

Ընթացակարգի ծածկագիրը՝ «ԷԱՃԱՊՁԲ-2019/16-3-ԵՊԲՀ»

«Երևանի Մխիթար Հերացու անվան պետական բժշկական համալսարան» հիմնադրամի կարիքների համար սրտի կորոնար անոթների ստենտավորման ժամանակ օգտագործվող բժշկական գործիքների և պարագաների ձեռքբերման նպատակով կազմակերպված «ԷԱՃԱՊՁԲ-2019/16-3-ԵՊԲՀ» ծածկագրով գնման ընթացակարգի գնահատող հանձնաժողովը ստորև ներկայացնում է նույն ծածկագրով հրավերի վերաբերյալ 2018 թվականի դեկտեմբերի 1-ին ստացված հարցադրումները և դրանց վերաբերյալ 2018 թվականի դեկտեմբերի 4-ին տրամադրված պարզաբանումները՝

Հարցադրում N 1: Հարգելի հանձնաժողով խնդրում ենք 3-րդ չափաբաժնի մասով պարզաբանել՝ եթե առաջարկվող Medtronic ֆիրմայի ապրանքատեսակը ֆունկցիոնալ առումով հնարավորություն է տալիս հասնել այն արդյունքին, որին հնարավոր է հասնել հրավերով նախատեսված տեխնիկական բնութագրերը ունեցող ապրանքատեսակի կիրառման դեպքում համարժեք կոդերով արդյոք ստորև նշված՝ ախտորոշիչ կաթետերների տեխ. բնութագրով ապրանքը Ախտորոշիչ կաթետեր ինվազիվ պրոցեդուրաների համար: Կախված վիրահատվող հիվանդի քաշից և վիրահատվող անոթից ախտորոշիչ կաթետերի առաջարկվող չափերն են՝ 5Fr, 6Fr (5Fr, 6Fr ոչ ավել, քան 40մլ/վրկ անցունակությամբ: Կախված վիրահատվող անոթի առանձնահատկություններից ախտորոշիչ կաթետերի առաջարկվող տեսակներն են՝ JL 3.5, JL 4.0, JL 4.5, JL 5.0, JL 6.0, JR 3.5, JR 4.0, JR 4.0 ST, JR 4.0 MOD, JR 5.0, JR 6.0, AL 1.0, AL 2.0, AL 3.0, AR 1.0, AR 2.0, AR MOD, MPA, MPB, NOTO, 3DRC, RCB, LCB, IMA, PIG STR, PIG 145, PIG 155 TRA տեսակի՝ ունիվերսալ, սրտի աջ և ձախ անոթների ճյուղերի համար՝ ռադիալ և ֆեմորալ մոտեցման դեպքերում:

Հարցադրում N 2: Հարգելի հանձնաժողով խնդրում ենք 4-րդ և 5-րդ չափաբաժնի մասով պարզաբանել՝ եթե առաջարկվող Medtronic ֆիրմայի ապրանքատեսակը ֆունկցիոնալ առումով հնարավորություն է տալիս հասնել այն արդյունքին, որին հնարավոր է հասնել հրավերով նախատեսված տեխնիկական բնութագրերը ունեցող ապրանքատեսակի կիրառման դեպքում համարժեք կոդերով արդյոք ստորև նշված՝ Դիլատացիոն կաթետեր տեխ. բնութագրով ապրանքը Բալուն չընդլայնվող գնդանոթով, կաթետերի երկարությունը ոչ պակաս, քան 142սմ: Հիդրոֆիլիկ ծածկույթով, նոմինալ և մաքսիմալ ճնշումը 1.25մմ բալունի դեպքում՝ 1216Պա, նոմինալ ճնշումը 1.5մմ բալունի դեպքում՝ 608Պա մաքսիմալ ճնշումը 1216Պա, մնացած չափերի դեպքում նոմինալ ճնշումը 811Պա մաքսիմալ ճնշումը՝ 1419Պա տրամագծով բալունների համար: Բալունները հնգաթև են, որը թույլ է տալիս ճնշման ավելի արագ բարձրացումը բալունի մեջ: Կախված վիրահատվող անոթի տրամագծի չափից կաթետերի պահանջվող չափերն են ըստ տրամագծի՝ 1.25մմ;1.5;2.0; 2.25; 2.5; 2.75; 3.0; 3.25; 3.5; 4.0; 4.5; 5.0 մմ: Կախված անոթի վնասված մասի չափից կաթետերի պահանջվող չափերն են ըստ երկարության՝ 10մմ;12; 15մմ; 20մմ; 25մմ:

Պարզաբանում N 1 և N 2: Համաձայն ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի 32-րդ կետի 22-րդ ենթակետի՝ առաջին տեղը զբաղեցրած մասնակցի կողմից ներկայացրած որակավորումը հիմնավորող փաստաթղթերը, իսկ ապրանքների գնման դեպքում նաև տեխնիկական բնութագրերը, Պատվիրատուի կողմից գնահատվում են դրանք ներկայացվելու օրվանից հաշված մինչև տասնաշխատանքային օրվա ընթացքում: ՀՀ գնումների մասին օրենսդրության համաձայն՝ հարցումը

կատարած Մասնակցին պարզաբանումը տրամադրվում է գրավոր՝ հարցումը ստանալու օրվան հաջորդող երկու օրացուցային օրվա ընթացքում:

Տվյալ դեպքում Ձեր կողմից «ԷԱՃԱՊՁԲ-2019/16-3-ԵՊԲՀ» ծածկագրով էլեկտրոնային աճուրդի ընթացակարգի շրջանակներում հարցումը կատարվել է դեկտեմբերի 1-ին ժամը 16:26-ին: Պատվիրատուի կողմից պարզաբանում տրամադրելու վերջնաժամկետը սահմանվել է դեկտեմբերի 4-ը է մինչև ժամը 14:00-ն:




Վերոգրյալից պարզ երևում է, որ Պատվիրատուն պարզաբանումը ստանալու պահից պետք է կարողանա իրականացնել գործողություն, որի համար Պատվիրատուին օրենքով սահմանված կարգով տրամադրվում է տաս աշխատանքային օր: Հետևապես, Մասնակցի կողմից որակավորումը հիմնավորող փաստաթղթերը, այդ թվում տեխնիկական բնութագրերը կպահանջվեն 1-ին տեղ զբաղեցրած մասնակցից ճանաչվելու դեպքում, իսկ դրանք համարժեքությունը, ինչպես նաև ֆունկցիոնալ առումով հնարավորության համարժեքության գնահատումը կիրականացվի վերոնշյալ ժամկետներում, քանի որ գնումների մասին օրենքի 29-րդ հոդվածի 1-ին կետով, ինչպես նաև 40-րդ հոդվածի 4-րդ կետով սահմանված ժամկետում ապրանքի ամբողջական տեխնիկական բնութագրի համարժեքության որոշումը ժամկետի առումով անհնար է:

Սույն հայտարարության հետ կապված լրացուցիչ տեղեկություններ ստանալու համար կարող եք դիմել գնումների համակարգող՝ Տատյանա Միրզոյանին:

Հեռախոս՝ 060 651 471

Էլ. փոստ՝ procurement.ysmu2@gmail.com

«ԷԱՃԱՊՁԲ-2019/16-3-ԵՊԲՀ» ծածկագրով գնման ընթացակարգի գնահատող հանձնաժողովը

Նախագահ՝		Լ.Դանիելյան
Անդամներ՝		Է.Միրոյան
		Վ.Մկրտչյան